

**[PLG/MCVR]**

Na sala de comisións “Concepción Arenal” do pazo Parlamento de Galicia reúnese a **Comisión 2ª, Ordenación Territorial, Obras Públicas, Medio Ambiente e Servizos**, o día **26 de setembro de 2024**, ás **16:00 horas**, logo da convocatoria remitida para o efecto.

Asisten as persoas que se relacionan a seguir:

**Mesa:**

Carmen María Pomar Tojo  
(Presidenta)  
José Luis Ferro Iglesias  
(Vicepresidente)  
Paulo Ríos Santomé  
(Secretario)

**Vogais:**

**Grupo Parlamentario Popular de Galicia (P):**

Cristina Campero Dorado  
María Deza Martínez  
Rubén Lorenzo Gómez  
Argimiro Marnotes Fernández  
Roberto Rodríguez Martínez  
Gonzalo Trenor López  
Katherinie Varela Fernández

**Grupo Parlamentario do Bloque Nacionalista Galego (BNG):**

Xosé Luís Bará Torres  
Alexandra Fernández Gómez  
Montserrat Valcárcel Armesto  
Sonia Vidal Lamas

**Grupo Parlamentario dos Socialistas de Galicia (S):**

Paloma Castro Rey  
Patricia Iglesias Rey  
(en substitución de Carlos López Font)

**Grupo Parlamentario Mixto (M):**

Armando Ojea Bouzo

**Comparecentes:**

Director xeral de Planificación Enerxética e Minas  
Secretario xeral de Vivenda e Urbanismo

**Letrada:**

Purificación López Gómez

A presidenta abre a sesión e rógalle ao secretario que lle dea lectura á relación de membros titulares da Comisión para os efectos de comprobar a existencia de quórum de constitución así como as substitucións pertinentes.

Logo da constatación deste a Presidencia dá conta da entrada no Rexistro do doc. núm. 11943, no que o G.P. do Bloque Nacionalista Galego solicita o aprazamento da proposición non de lei da súa autoría doc. núm. 617 (2.1). Aprazamento que se acepta por asentimento.

- 2.1            617 (12/PNC-000046)  
Grupo Parlamentario do Bloque Nacionalista Galego  
Fernández Davila, María Cristina e 2 máis  
Sobre as actuacións que debe abordar a Xunta de Galicia co fin de mellorar e completar o servizo de saneamento dos concellos polos que discorre o río Tea  
*Publicación da iniciativa, BOPG n.º 9f2, do 11.04.2024*

**Punto 1. Preguntas**

- 1.1            **6871 (12/POC-000910)**  
**Grupo Parlamentario dos Socialistas de Galicia**  
**Iglesias Rey, Patricia e 2 máis**  
**Sobre o estado da tramitación do proxecto de conversión da antiga canteira Pedra Facha, en Val do Dubra, nun vertedoiro a ceo aberto, a súa afección á poboación e ás explotacións gandeiras da contorna e o nivel de emprego que vai xerar**  
*Publicación da iniciativa, BOPG n.º 52, do 23.07.2024*

Intervén a **señora Iglesias Rey, Patricia (S)**, para expoñer as razóns nas que se basean as cuestións que figuran na súa iniciativa e que aparecen publicadas no BOPG anteriormente citado.

Para a súa resposta intervén por parte da Xunta de Galicia o **director xeral de Planificación Enerxética e Minas (Consellería de Economía e Industria), Pablo Fernández Vila**.

Na rolda de réplica a **señora Iglesias Rey (S)**, manifesta diversas consideracións discrepantes coa información aportada polo señor director xeral e reitérase nalgúns cuestións xa expostas por considerar que non foron contestadas.

Péchase o debate desta pregunta cunha nova intervención do **director xeral de Planificación Enerxética e Minas, señor Fernández Vila**, que reitera e amplía o manifestado na súa anterior intervención.

*A Presidencia agradece a presenza do señor Fernández Vila nesta sesión da Comisión e desculpa a súa ausencia se desexa retirarse da mesma para atender outras obrigas.*

**1.2            7724 (12/POC-001305)**  
**Grupo Parlamentario do Bloque Nacionalista Galego**  
**Fernández Gómez, Alexandra e Bará Torres, Xosé Luís**  
**Sobre os datos referidos ao desenvolvemento da convocatoria de 2024**  
**de axudas da Xunta de Galicia ao alugamento de vivenda habitual**  
***Publicación da iniciativa, BOPG n.º 67, do 14.08.2024***

A **señora Fernández Gómez, Alexandra (BNG)**, dá conta das razóns que motivaron a formulación desta pregunta, expresándose en termos semellantes aos que aparecen publicados no BOPG anteriormente subliñado.

Pasa a contestar esta pregunta, en nome da Xunta de Galicia, o **secretario xeral de Vivenda e Urbanismo (Consellería de Vivenda e Planificación de Infraestruturas), Heriberto García Porto**.

En rolda de réplica, a **señora Fernández Gómez (BNG)**, manifesta a súa insatisfacción e inquedanza ante a información facilitada e expón novas consideracións a respecto dela.

O **secretario xeral de Vivenda e Urbanismo, señor García Porto**, pecha o debate desta iniciativa puntualizando os datos amosados na súa anterior intervención.

**1.3            8135 (12/POC-001473)**  
**Grupo Parlamentario Popular de Galicia**  
**Deza Martínez, María e 8 máis**  
**Sobre as consecuencias que está a producir no mercado inmobiliario**  
**galego a Lei 12/2023, do 24 de maio, polo dereito á vivenda**  
***Publicación da iniciativa, BOPG n.º 70f2, do 23.08.2024***

A **señora Deza Martínez (P)**, procede á defensa da iniciativa ampliando os argumentos que da mesma se expoñen por escrito e que aparecen publicados no BOPG anteriormente subliñado.

En representación da Xunta de Galicia, contéstalle o **secretario xeral de Vivenda e Urbanismo (Consellería de Vivenda e Planificación de Infraestruturas), Heriberto García Porto**.

En rolda de réplica a **señora Deza Martínez (P)**, agradece a información aportada polo secretario xeral, sobre a que expón novas consideracións.

Pecha o debate desta iniciativa o **secretario xeral de Vivenda e Urbanismo, señor García Porto**, ampliando a información aportada na súa anterior intervención.

*A Presidencia agradece a presenza do señor García Porto nesta sesión da Comisión e desculpa a súa ausencia dado que non ten máis preguntas ás que teña que dar resposta.*

**Punto 2.    Proposicións non de lei**

**2.2                    6098 (12/PNC-000737)**

**Grupo Parlamentario Popular de Galicia**

**Rodríguez Martínez, Roberto e 8 máis**

**Sobre a demanda que a Xunta de Galicia debe trasladar ao Goberno central co fin de que impulse a realización das infraestruturas viarias xa comprometidas en Galicia**

*Publicación da iniciativa, BOPG n.º 43f1, do 26.06.2024*

A Presidencia, previamente, comunica que a esta proposición non de lei presentouse unha emenda de adición por parte do G.P. dos Socialistas de Galicia (doc. núm. 11931), da que obvia a súa lectura, dado que se enviou copia aos distintos portavoces.

A continuación concédelle a palabra ao **señor Rodríguez Martínez, Roberto (P)**, que procede á defensa e formulación desta proposición non de lei, expresándose en termos semellantes aos que aparecen publicados no Boletín Oficial do Parlamento.

Na rolda de grupo parlamentario emendante a **señora Iglesias Rey, Patricia (S)**, refire as razóns polas que o seu grupo presentou esta emenda, logo de matizar moitas das argumentacións expostas polo señor proponente.

Na rolda de grupos parlamentarios non emendantes, tanto o **señor Ojea Bouzo, Armando (M)** como o **señor Ríos Santomé, Paulo (BNG)**, tras matizar algunhas das argumentacións expostas polo señor proponente, xustifican o apoio dos seus respectivos grupos parlamentarios á devandita proposta.

Na rolda de puntualizacións e posicionamento sobre a emenda presentada, o **señor Rodríguez Martínez (P)**, logo de agradecer o apoio amosado polos voceiros dos GGPP Mixto e Bloque Nacionalista Galego, argumenta as razóns polas que non acepta a emenda do G.P. dos Socialistas de Galicia.

**2.3                    9614 (12/PNC-000936)**

**Grupo Parlamentario dos Socialistas de Galicia**

**Castro Rey, Paloma e López Font, Carlos**

**Sobre as obras que o Goberno galego debe levar a cabo na estrada PO-213 para garantir a seguridade viaria**

*Publicación da iniciativa, BOPG n.º 78f1, do 06.09.2024*

A Presidencia, previamente, comunica que a esta proposición non de lei presentouse unha emenda de substitución por parte do G.P. Popular de Galicia (doc. núm. 11930), da que obvia a súa lectura, dado que se enviou copia aos distintos portavoces.

Deseguido concédelle a palabra á **señora Castro Rey, Paloma (S)**, quen expón os motivos nos que se basea a proposición non de lei ampliando os que se conteñen na súa



publicación no Boletín Oficial do Parlamento de Galicia, ao tempo que posibilita unha transacción coa emenda presentada.

Na rolda de grupo parlamentario emendante, o **señor Rodríguez Martínez, Roberto (P)**, defende a emenda do seu grupo e refire as actuacións que se están a levar a cabo dende Xunta de Galicia, que poñen de manifesto que o solicitado na iniciativa xa se está executando, e agradece a boa disposición da señora propoñente para posibilitar un texto transaccioado.

Na rolda do grupos parlamentarios non emendantes o **señor Ojea Bouzo (M)** declina facer uso da mesma.

Nesta mesma rolda o **señor Bará Torres, Xosé Luis (BNG)**, expón as argumentacións do seu grupo parlamentario a respecto desta proposta, logo de matizar algunhas das afirmacións realizadas polo voceiro do grupo emendante.

Na rolda de puntualizacións e posicionamento sobre a emenda defendida a **señora Castro Rey (S)**, logo de comentar as argumentacións dos voceiros que a precederon no uso da palabra, incide na importancia de acadar unha transacción.

A Presidencia suspende brevemente a sesión ás 17.25 horas para facilitar que os grupos estuden unha posible transacción.

Reiniciada a sesión ás 17.30 horas, a presidenta procede á votación das proposicións non de lei, pola orde na que figuran na convocatoria:

**2.2 6098 (12/PNC-000737), do G.P. Popular de Galicia.** Sométese a votación o texto resolutivo orixinal, que resulta **aprobado pola unanimidade dos 16 deputados e deputadas presentes** con dereito a voto.

O texto aprobado é o seguinte:

*«O Parlamento de Galicia insta a Xunta a demandar do Goberno de España un compromiso real e efectivo para a realización de infraestruturas vitais para a nosa comunidade ante o que é unha falta de avances das infraestruturas viarias comprometidas polo Estado en Galicia e un agravio comparativo respecto a outras comunidades.»*

**2.3 9614 (12/PNC-000936), do G.P. dos Socialistas de Galicia.** A señora Castro Rey dá lectura á transacción acadada entre o texto da proposición non de lei e a emenda do G.P. do Popular de Galicia (doc. núm. 11930), que sometida a votación resulta **aprobada pola unanimidade dos 16 deputados e deputadas presentes** con dereito a voto.

O texto aprobado é o seguinte:



*«O Parlamento de Galicia insta a Xunta de Galicia a, logo dun estudo da situación actual do trazado da PO-213, para incorporar posibles medidas orientadas a incrementar a seguridade viaria, como incrementar o ancho, mellorar o seu trazado e a situación do firme.*

*E a aumentar a periodicidade do mantemento que elimine o exceso de maleza.»*

Non habendo máis asuntos que tratar, a Presidencia agradece a colaboración dos membros da Comisión e dos servizos da Cámara, e levanta a sesión.

Remata a sesión ás 18:40 horas.

**V. e pr.**  
**Carmen María Pomar Tojo**  
**Presidenta da Comisión**

**Paulo Ríos Santomé**  
**Secretario da Comisión**